



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

**Parisiis, 1644**

XXXV. Epistola Episcoporum Provinciae Osroenae Ad Leonem Imperatorem.  
Deo amatissimo & piißimo atque Christianißimo Augusto, digne a Deo  
coronato imperatori Leoni, Nonnus, Damianus, Ioannes, Abrahamius, ...

**urn:nbn:de:hbz:466:1-14887**

ANNO  
 CHRISTI  
 451.

tiam, ecclesiastico tramite nostrum peragere tempus, auctorem homicidii & adulterii hunc talem operarium esse decernimus, legentes ea quæ precibus sanctissimorum episcoporum vestram maiestatem aduentium, continentur. Ex quibus etiam nos extincti super eum decretum tale protulimus, cum & efficacem & penetrantem super omnem gladium bis acutum proponentes Dei sermonem: & licet neque ab initio possederit, (nam quomodo habere potuit, qui secundum quod scriptum est, non accipit?) tamen alienum eum a cuncta dicimus sacerdotii dignitate. Vestra igitur pietatis est, sanctissimum etiam in hoc agere zelum, & illa sancire, quæ legibus & sacris Canonibus, & cunctis Dei ecclesiis pacem conferre videantur. Incolumentem pietatem vestram multis annorum curriculum conferuari Dei ecclesiis & Romano principatui deprecamur, religiosissime & Christo amabilis imperator.

Epiphanius episcopus Epiphaniæ.  
 Eusebius episcopus Arethuse, similiter.  
 Elias episcopus Seleuciæ, similiter.  
 Diogenes episcopus Larissæ, similiter.  
 Magnus episcopus Mariamnæ Euphratesiæ, similiter.

XXXV.

EPISTOLA

EPISCOPORVM PROVINCIÆ

OSROENÆ AD LEONEM IMPERATOREM.

*Deo amantissimo & piissimo atque Christianissimo Augusto, dig-  
 ne a Deo coronato imperatori Leoni, Nonnus, Damianus,  
 Ioannes, Abrahamius, Ioannes, Petronius, Elias, Basilius,  
 episcopi Osroenæ prouinciæ.*

**N**ON est mirabile, o victor atque Christianissime prin-  
 cipum, vt qui desuper sceptrorum potentiam sum-  
 psit, cum consilio Dei qui hæc præbuit, cuncta faciat, at-  
 que immobilia sacerdotii iura custodiat, nihilque patia-  
 tur propter multam mansuetudinem rerum sibi compe-  
 tentium præter eius decernere voluntatem. Et hoc maxi-  
 mum est inter alia nimis indicium, quod designant etiam  
 literæ vestræ, quas nuper nobis dirigere tranquillitas ve-  
 stra dignata est, per quas ea quæ crudeliter sunt præsum-  
 pta contra sanctas regulas a Timotheo, qui tyrannice fe-

Concil. Tom. 9.

Q9



dem diuinitus sacerdotibus condonata tenuit in Alexandrina ciuitate, cognouimus. Omnium enim iniquitatum res plenæ sunt, & piæ intentioni vestræ tranquillitatis & immaculata fidei valde \* contraria. Vos enim ex quo purpuram & coronam geritis, orthodoxum lumen, ecclesiarum omnium Domini Christi diuersam semper habuistis curam. Quæ vero in Alexandria gesta sunt, sicut preces continent eorum qui eas \* pietati vestræ apices obtulerunt, omnem transcendunt iniquitatem. Vos fidem orthodoxam custoditis, scientes ab ea optime commoneri. Timotheus autem ad eius destructionem nihil non præsumpsit. Vos pacis estis auctores, illi nouorum certaminum inuentores. Vos sine sanguine subiectos viuos virtute Dei legibus custoditis: illi nutricem suam pontificali sanguine compleuerunt. Vos cum benedictione comperenti ad diuina loca semper acceditis: illi principium sceleris ibidem commiserunt. Quomodo ergo possibile est, his ita se habentibus, aut humilibus nobis, aut vobis pie regnantibus, inter sacerdotes constituere harum rerum auctorem? Et de Timothei quidem causa hanc sententiam nos habemus. Vt autem correctio in eo fieri debeat, estis vos domini per auctoritatem imperii, quam estis iustitiæ suffragio consecuti. De sancto autem Concilio Calchedone celebrato, ex quo semetipsos penitus absciderunt, id est, Timotheus & huic similia sapientes, ad peremptionem dogmatum bene expositorum a beatis patribus in Nicæa collectis, quæ etiam idem sanctum Calchedonense Concilium confirmauit, non infirmauit; corroborauit, non subuertit; laudauit, & non infregit: quid oportet aliquid nos vel dicere, orantes cum his quæ ab illis decreta sunt, quibus etiam præfulget symbolum a sanctis patribus in Nicæna vrbe signatum, & viuere, & vitam huius sæculi terminare? Ab illo enim nos sancto & beato Concilio nullus præter mortem poterit separare, quomodo & vos tranquillissimi, quæ ab his sancita sunt, optime vestris syllabis cõfirmastis.

Nonnus episcopus Edessæ metropolis, incolumem vestram pietatem multis annorum curriculis conseruari Dei ecclesiis & Romano imperio, Dominus præstet Christus, piissime & Christianissime Deo amabilis imperator.

Damianus episcopus Callinici, similiter.

ANNO  
CHRISTIANI  
431

ANNO  
CHRISTIANI  
431

\* f. con-  
trarie.

\* f. pietas  
in velle  
apici



ANNO  
CHRISTI  
451.  
Abrahamius episcopus Circisii, similiter.  
Basilius episcopus Balicnsis, similiter.  
Ioannes episcopus Carenfis, similiter.

XXXVI.  
EPISTOLA

EPISCOPORVM MESOPOTAMIÆ,  
AD LEONEM IMPERATOREM.

*Religiosissimo atque piissimo & Christianissimo Augusto, & a  
Deo coronato & honorato imperatori Leoni, Maras, Maro-  
nius, Noe, Eusebius, Reticius, Valaras, Maras, Abraha-  
mius, episcopi vestræ Mesopotamiæ regionis.*

OMNIVM Christus atque saluator, qui humanum ge-  
nus tamquam facturam propriam miseratus, ab im-  
pietatis profunditate & ignoratione peccati ad celsitudi-  
nem scientiæ pietatis euexit, & lumen quidem ecclesiam  
suam, id est, corpus fidelium nominavit; inuictam vero  
eam etiam inferni portis esse constituit, & operationibus  
eam tamquam Deus vndique roboravit; non solum per  
piscatores discipulos suos, magnum mysterium veritatis  
annuntiantes, non iam humanæ prudentiæ verbis, sed cæ-  
lesti sapientia & ignea sancti Spiritus lingua fundavit &  
auxit, sed etiam per pios postea principes, & collaboran-  
tes piscatoribus, ad prædicationem pietatis euexit. Quo-  
rum pii imperii successorem, & fidei salutaris heredem  
etiam nunc suis donavit ecclesiis, & omnibus quæ sub  
cælo sunt, rebus, tranquillissimam Christianitatis vestræ  
potentiam, ad confirmationem ecclesiasticæ pacis, sal-  
uantis vos spe simul & fide, & constantiam totius orbis  
terrarum, & pelagi rationalis fidelium populorum. Igitur  
a Deo propter insertam vobis fidem hanc & pietatem re-  
galia scepra suscipientes, Christianissime principum,  
mansuetudine atque clementia largitorem remuneratis  
imperii, quando pro humana salute & ecclesiarum pace  
cum sacerdotibus Christi curam congruam ante alias co-  
gitationes, & beneficia tamquam pii principis exhibetis:  
& vt fideles Christi sacerdotes regalibus vestris & piis lite-  
ris honoratis, eosque ad hanc vtilitatem participes vos  
habere non piguit. Huic ergo consilio obedientes, volun-  
tati ac providentiæ vestræ potentiæ altam pacem & lon-

*Concil. Tom. 9.*

Qq ij